

Na osnovu člana 65. Zakona o zdravstvenoj zaštiti („Službene novine Federacije BiH“, broj 46/10), Upravni odbor Sveučilišne kliničke bolnice Mostar, na XV. sjednici održanoj dana 13.07. 2012. god., donosi

S T A T U T **SVEUČILIŠNE KLINIČKE BOLNICE MOSTAR**

I – OSNOVNE ODREDBE

Član 1.

Ovim Statutom, kao osnovnim opštim aktom Sveučilišne kliničke bolnice Mostar (u daljnjem tekstu: SKB Mostar) se uređuje:

- naziv i sjedište SKB Mostar,
- pečat i štembilj
- djelatnost i unutrašnja organizacija SKB Mostar,
- statusne promjene,
- sredstva za rad,
- predstavljanje i zastupanje,
- organi upravljanja, nadzora i rukovođenja,
- radna mjesta s posebnim ovlaštenjima i odgovornostima,
- stručni organi SKB Mostar,
- obaveze i prava SKB Mostar prema osnivačima,
- odnos SKB Mostar prema korisnicima zdravstvenih usluga,
- nadzor nad radom SKB Mostar,
- opšti akti,
- javnost rada i pristup informacijama u posjedu SKB Mostar,
- poslovna i profesionalna tajna,

Član 2.

SKB Mostar je pravni sljedbenik KB Mostar koja je upisana u Sudski registar ustanova kod Kantonalnog suda u Mostaru u reg.ulošku 5-5 dana 14.09.1994. godine rješenjem U/s.3./94.

Član 3.

SKB Mostar je javna zdravstvena ustanova u svojini Federacije BiH i četiri županije/kantona zajedno, (u daljem tekstu: vlasnici), koja je osnovana u skladu sa Zakonom o zdravstvenoj zaštiti („Službene novine Federacije BiH“, broj 46/10), (u daljem tekstu: Zakon o zdravstvenoj zaštiti), kao i odlukama o preuzimanju osnivačkih prava od strane osnivača u skladu sa članom 53. stav 3. Zakona o zdravstvenoj zaštiti.

Član 4.

Osnivači SKB Mostar su:

- Federacija BiH,
- Hercegovačko-neretvanska županija/kanton
- Zapadno hercegovačka županija/kanton
- Hercegbosanska županija/kanton
- Srednjobosanska županija/kanton

Međusobna prava, obaveze i odgovornosti koji proističu iz suosnivačkog dijela između suosnivača regulisat će se posebnim ugovorom koji se zaključuje u pismenoj formi.

Član 5.

SKB Mostar posluje samostalno i obavlja svoju djelatnost na način propisan važećim Zakonom o ustanovama, Zakonom o zdravstvenoj zaštiti, ovim Statutom i drugim propisima.

Član 6.

SKB Mostar za svoje obaveze odgovara cjelokupnom svojom imovinom u skladu sa zakonom.

Osnivači za obaveze SKB Mostar odgovaraju u skladu sa posebnim ugovorom koji se zaključuje u pismenoj formi između suosnivača.

II - NAZIV I SJEDIŠTE

Član 7.

Ustanova obavlja svoju djelatnost, posluje i učestvuje u pravnom prometu pod nazivom Sveučilišna Klinička bolnica Mostar.

Skraćeni naziv je SKB Mostar.

Sjedište ustanove je u Mostaru, Bijeli Brijeg bb.

Član 8.

SKB Mostar može promijeniti naziv i sjedište.

Odluku o promjeni naziva i sjedišta donosi Upravni odbor SKB Mostar uz saglasnost osnivača.

Član 9.

SKB Mostar ima zaštitni znak.

Zaštitni znak SKB Mostar se sastoji od piktograma modificiranog crvenog krsta u negativu i slovne četveroredne strukture (sveučilišna klinička bolnica mostar), slovni znaci su (kurentni) mali.

Član 10.

SKB Mostar ima svoj pečat i štembilj.

Član 11.

Pečat SKB Mostar je okruglog oblika promjera 50 mm i 20 mm u koji se upisuju riječi Sveučilišna klinička bolnica Mostar.

Zbog organizacije rada SKB Mostar može, u skladu sa Zakonom, imati više pečata identičnih pečatima iz stava 1. ovoga člana, u kojem slučaju svaki primjerak mora biti označen brojem.

Direktor svojim uputstvima propisuje broj pečata, upotrebu, način čuvanja, uništenja i zaštite pečata od zloupotrebe.

Član 12.

Štembilj je četvrtastog oblika i sadrži naziv SKB Mostar sa oznakom za broj i datum.

Štembilj organizacione jedinice sadrži naziv SKB Mostar i naziv Organizacione jedinice i sadrži rubriku za upis evidencijskog broja (u skladu sa propisima o kancelarijskom poslovanju).

Direktor svojim uputstvom propisuje broj štembilja, upotrebu, način čuvanja, uništenja i zaštite štembilja od zloupotrebe.

III - DJELATNOST I UNUTRAŠNJA ORGANIZACIJA

Član 13.

U skladu sa Odlukom o klasifikaciji djelatnosti Bosne i Hercegovine 2010 („Službeni glasnik BiH“ br. 47/10), djelatnost SKB Mostar obuhvaća slijedeće razrede:

- 86.10 Djelatnosti bolnica
- 86.21 Djelatnosti opšte medicinske prakse
- 86.22 Djelatnosti specijalističke medicinske prakse
- 86.23 Djelatnosti stomatološke prakse
- 86.90 Ostale djelatnosti zdravstvene zaštite
- 32.50 Proizvodnja medicinskih i stomatoloških instrumenata i pribora
- 72.11 Istraživanje i eksperimentalni razvoj u biotehnologiji
- 72.19 Ostalo istraživanje i eksperimentalni razvoj u prirodnim, tehničkim i tehnološkim naukama
- 21.10. Proizvodnja osnovnih farmaceutskih proizvoda
 - Obrada krvi
- 52.21. Uslužne djelatnosti u vezi s kopnenim prevozom.

Član 14.

Djelatnost SKB Mostar je:

Specijalističko-konsultativna djelatnost i bolnička zdravstvena djelatnost, kao i zdravstvena djelatnost na tercijarnom nivou zdravstvene zaštite koja obuhvaća:

1. specijalističko-konsultativnu djelatnost u okviru koje se:
 - pružaju izvanbolničke zdravstvene usluge radi osiguravanja podrške primarnoj i bolničkoj zdravstvenoj djelatnosti, kao i s ciljem povećanja stepena rješavanja zdravstvenih problema pacijenata i racionalnijeg korištenja resursa u zdravstvu,
 - obavlja dijagnostika i liječenje povrijeđenih i oboljelih primjenom standardnih dijagnostičkih i terapijskih postupaka,
 - obavlja potpuna medicinska rehabilitacija.
2. bolničku zdravstvenu djelatnost u okviru koje:
 - obavlja stacionarno liječenje svih nivoa zdravstvene zaštite odnosno sekundarne i tercijarne zdravstvene zaštite primjenom standardnih dijagnostičkih i terapijskih postupaka tokom 24 sata,
 - obavlja konzilijarnu zaštitu uz učestvovanje konzilija zdravstvenih radnika različitih specijalnosti,
 - uvode nove zdravstvene tehnologije, koje podrazumijevaju sve zdravstvene metode i postupke koji se mogu koristiti u cilju unapređivanja zdravlja ljudi, u prevenciji, dijagnostici i liječenju bolesti, povredama i rehabilitaciji i koje obuhvaćaju sigurne, kvalitetne i efikasne lijekove i medicinska sredstva, medicinsku opremu, medicinske procedure, medicinski software, kao uslove za pružanje zdravstvene zaštite na način predviđen Zakonom o zdravstvenoj zaštiti, kao i propisima donijetim na osnovu ovog zakona,
 - vrši transfuziološku djelatnost u skladu sa Zakonom o krvi i krvnim sastojcima

- („Službene novine Federacije BiH“, broj 9/10),
- vrši opskrbu lijekovima i medicinskim sredstvima kroz bolničku apoteku saglasno Zakonu o apotekarskoj djelatnosti („Službene novine Federacije BiH“, broj 40/10), Zakonu o lijekovima i medicinskim sredstvima (Službeni glasnik BiH, broj 58/08) kao i propisima donesenim na osnovu tih zakona
 - vrši zdravstveno prosvjeđivanje pacijenata i upoznavanje pacijenta o njegovim pravima, obavezama i odgovornostima saglasno Zakonu o zdravstvenoj zaštiti i Zakonu o pravima, obavezama i odgovornostima pacijenata („Službene novine Federacije BiH, broj 40/10),
 - pruža stručno-metodološku pomoć,
 - vrši stručno osposobljavanje i obrazovanje svih profila zdravstvenih radnika i nivoa stručnosti na način da organizuje nastavu na osnovu ugovora za potrebe fakulteta i škola zdravstvenog usmjerenja, te organizuje i provodi specijalističko i subspecijalističko usavršavanje iz oblasti specijalnosti zdravstvenih radnika i zdravstvenih saradnika,
 - učestvuje u izvođenju dodiplomske i postdiplomske nastave na svim fakultetima zdravstvenog usmjerenja saglasno odobrenju za obavljanje nastave u nastavnim zdravstvenim ustanovama koje daje javni univerzitet na prijedlog Federalnog ministarstva zdravstva i uz prethodno pribavljeno mišljenje fakulteta zdravstvenog usmjerenja, a u skladu sa odredbama članova 104. i 105. Zakona o zdravstvenoj zaštiti, kao i propisima donesenim na osnovu ovog Zakona,
 - vrši naučnoistraživački rad, medicinska i naučna ispitivanja, kao i klinička ispitivanja u djelatnostima za koje je registrovana.
3. zdravstvena djelatnost na tercijarnom nivou zdravstvene zaštite u okviru koje se naročito:
- vrši dijagnostika i liječenje najsloženijih oblika zdravstvene zaštite iz određenih specijalističkih i subspecijalističkih djelatnosti primjenom najsavremenijih standardnih dijagnostičkih i terapijskih postupaka tokom 24 sata,
 - vrši konzilijarnu zaštitu uz učestvovanje konzilija zdravstvenih radnika različitih specijalnosti,
 - uvodi nove zdravstvene tehnologije, koje podrazumijevaju sve zdravstvene metode i postupke koji se mogu koristiti u cilju unapređivanja zdravlja ljudi, u prevenciji, dijagnostici i liječenju bolesti, povredama i rehabilitaciji i koje obuhvaćaju sigurne, kvalitetne i efikasne lijekove i medicinska sredstva, medicinsku opremu, medicinske procedure, medicinski software, kao uslove za pružanje zdravstvene zaštite,
 - vrši nastavno edukativni rad za potrebe fakulteta zdravstvenog usmjerenja, naučnoistraživački rad, medicinska i naučna ispitivanja, kao i klinička ispitivanja u djelatnostima za koje je registrovana.

Član 15.

Pored djelatnosti upisane u sudski registar, SKB Mostar može vršiti i druge djelatnosti koje služe vršenju djelatnosti upisane u sudski registar ako se one u manjem obimu ili se uobičajeno vrši uz upisanu djelatnost.

Član 16.

SKB Mostar može proširivati i mijenjati svoju djelatnost ako su za to ispunjeni materijalni, kadrovski i tehnički uslovi propisani od strane Federalnog ministra zdravstva i ako

je to u skladu sa planovima rada i razvoja SKB Mostar, kao i ukupne djelatnosti SKB Mostar, te uz mišljenje nadležnog zavoda za javno zdravstvo, kao i nadležne ljekarske komore.

Odluku o proširenju odnosno promjeni djelatnosti donose osnivači, uz prethodnu saglasnost federalnog ministra zdravstva u skladu sa članom 59. Zakona o zdravstvenoj zaštiti.

Član 17.

U obavljanju djelatnosti SKB Mostar će u javnom interesu :

- osigurati rukovođenje stručnim, naučnim i nastavnim sadržajima,
- osigurati multidisciplinarnost i timski rad u rješavanju zdravstvenih, istraživačkih i edukativnih cjelina;
- osigurati nesmetan transfer zdravstvene tehnologije;
- osigurati povezivanje SKB Mostar sa medicinskim, farmaceutskim fakultetom i fakultetom zdravstvenih studija, kao i srednjim školama zdravstvenog usmjerenja u cilju neposrednog povezivanja
- predkliničkih bazičnih nastavnih jedinica sa klinikama u funkcionalnom i nastavnom procesu kao i u zajedničkom naučnoistraživačkom radu.

Ostvarivanje zajedničkih ciljeva u djelatnostima zdravstva, obrazovanja i nauke SKB Mostar će regulisati sa univerzitetom, njegovim članicama i drugim subjektima.

Član 18.

Djelatnost SKB Mostar obavlja se kroz organizacione jedinice i to na takav način da funkcionalno moraju biti povezane zdravstvena djelatnost, naučnoistraživačka djelatnost i nastavna djelatnost, kao i sve organizacione jedinice koje doprinose obavljanju djelatnosti koje su po prirodi opšte, administrativne, pomoćne, tehničke i sl.

Član 19.

SKB Mostar obavlja svoju djelatnost kroz organizacione jedinice koje čine svi bolnički, poliklinički, dijagnostički, naučno nastavni i drugi stručni sadržaji koji se ostvaruju u okviru organizacionih jedinica, kao i organizacione jedinice koje doprinose obavljanju djelatnosti koje su po prirodi opšte, administrativne, pomoćne, tehničke i sl. Organizacione jedinice su klinike, odjeli, zavodi, službe, centri, uredi .

Član 20.

Unutrašnja organizacija SKB Mostar bliže se utvrđuje Pravilnikom o unutarnjem ustrojstvu i organizaciji rada.

Pravilnikom iz stava 1. utvrđuju se organizacione jedinice i njihova nadležnost, vrsta i obim poslova, opis poslova i radnih zadataka, ukupan broj djelatnika za obavljanje poslova, naziv i raspored poslova po organizacionim jedinicama s opisom poslova za svakog izvršitelja ili grupu izvršitelja, potrebnim uslova u pogledu stručne spreme i drugim uslovima za rad na određenim poslovima, te druga pitanja od važnosti za organizovanje i način rada SKB Mostar.

IV- STATUSNE PROMJENE

Član 21.

SKB Mostar je osnovana i djeluje kao jedinstvena zdravstvena ustanova koja obavlja djelatnost u javnom interesu.

SKB Mostar može vršiti statusne promjene: spajanje, pripajanje, podjelu i izdvajanje.

Odluku o statusnim promjenama iz stava 2. donosi Upravni odbor uz prethodnu saglasnost suosnivača .

Statusna promjena u smislu stava 2. ovog člana je i prestanak rada SKB Mostar koji se obavlja na način i po postupku predviđenim članom 60. Zakona o zdravstvenoj zaštiti, i to u slučajevima kada više ne postoji potreba za obavljanjem djelatnosti za koju je osnovana, a nema mogućnosti da se reorganizuje za obavljanje druge zdravstvene djelatnosti, te kada ne ispunjava zakonom propisane uslove za obavljanje djelatnosti.

V- SREDSTVA ZA RAD

Član 22.

Sredstva za rad i razvoj SKB Mostar stječe:

- ugovorom sa zavodom zdravstvenog osiguranja Federacije i zavodima za zdravstveno osiguranje županije/kantona,
- ugovorom sa nadležnim ministarstvom zdravstva koji se na osnovu zakona finansiraju iz budžeta Federacije odnosno županije/kantona,
- ugovorom sa fakultetima i drugim visokim školama zdravstvenog usmjerenja,
- ugovorom po osnovu proširenog i dobrovoljnog zdravstvenog osiguranja,
- iz sredstava osnivača u skladu sa aktom o osnivanju,
- iz sredstava budžeta Federacije, kantona odnosno općine,
- iz učešća korisnika zdravstvene zaštite u pokriću dijela ili ukupnih troškova zdravstvene zaštite,
- slobodnom prodajom usluga na tržištu,
- iz drugih izvora na način i pod uslovima određenim zakonom, aktom o osnivanju i statutom zdravstvene ustanove.

Višak prihoda nad rashodima SKB Mostar koristi za obnavljanje i razvoj djelatnosti o čemu odluku donosi Upravni odbor SKB Mostar .

VI- PREDSTAVLJANJE I ZASTUPANJE

Član 23.

SKB Mostar u pravnom prometu iz njezine djelatnosti zastupa i predstavlja direktor.

Direktor ima sva ovlaštenja u pravnom prometu u okviru djelatnosti SKB Mostar upisane u sudski registar, uz ograničenja utvrđena ovim Statutom.

Direktoru je potrebna prethodna saglasnost Upravnog odbora SKB Mostar za predstavljanje i zastupanje:

- u pravnom prometu pokretnom imovinom čija vrijednost po pojedinom aktu prelazi iznos od 50.000,00 KM (slovima: pedeset hiljada konvertibilnih maraka),
- kod zaključenja ugovora sa nadležnim zavodima zdravstvenog osiguranja,

Član 24.

Direktor može svoje ovlaštenje za predstavljanje i za zastupanje prenijeti i na druge djelatnike SKB Mostar.

Prijenos ovlaštenja iz stava 1. ovog člana, direktor daje pismeno, sa naznakom konkretnog slučaja ili prilike za koju ovlaštenje prenosi, obimom ovlaštenja, rokom važenja ovlaštenja, te imenom i prezimenom, kao i stručnim zvanjem lica kojem ovlaštenje daje.

Izuzetno, prijenos ovlaštenja za predstavljanje i zastupanje direktor može dati na način predviđen u stavu 2. i trećim osobama koje poslove predstavljanja i zastupanja obavljaju kao djelatnost i to u slučajevima kada predstavljanje i zastupanje pretpostavlja posebnu stručnost koju djelatnici SKB Mostar nemaju.

VII- ORGANI UPRAVLJANJA, NADZORA I RUKOVOĐENJA

A. Upravni odbor

Član 25.

Upravni odbor SKB Mostar čine predstavnici:

- Federacije - dva (2) člana,
- Županije/kantona - osnivača - po dva (2) člana kojima je zdravstvena ustanova ujedno opšta i kantonalna bolnica,
- Županije/kantona - osnivača – po jednog (1) člana, kojima zdravstvena ustanova nije ujedno opšta i kantonalna bolnica,
- stručnih radnika zdravstvene ustanove – tri (3) člana, od kojih najmanje dva (2) moraju biti iz reda zdravstvenih radnika.

Predsjednika i članove Upravnog odbora SKB Mostar imenuje i razrješava Vlada Federacije na prijedlog federalnog ministra zdravstva.

Kandidati za članove Upravnog odbora SKB Mostar moraju ispunjavati kriterije utvrđene Zakonom i drugim propisima.

Član 26.

Mandat članova Upravnog odbora SKB Mostar traje četiri godine sa mogućnošću reizbora na još jedan mandatno razdoblje.

Predsjedniku i članu Upravnog odbora SKB Mostar može prestati mandat i prije isteka vremena od četiri godine u sljedećim slučajevima:

- ako se ne pridržava uputa i smjernica osnivača,
- ako učestvuje u donošenju nezakonitih akata ili odluka kojim se nanosi šteta SKB Mostar,
- ako podnese ostavku na mjesto predsjednika odnosno člana Upravnog odbora SKB Mostar,
- ako se utvrdi da je odgovoran za neuspješan i nezakonit rad SKB Mostar,
- ako svojim radom onemogućava ili otežava rad Upravnog odbora SKB Mostar,
- ako mu prestane radni odnos u SKB Mostar, a imenovan je za člana Upravnog odbora SKB Mostar iz reda stručnih radnika SKB Mostar,
- ako član Upravnog odbora SKB Mostar imenovan iz reda stručnih radnika učini težu povredu radne dužnosti,
- imenovanjem za direktora SKB Mostar,
- neopravdanim izostankom sa dvije ili više sjednica uzastopno ili sa dvije ili više sjednica u toku uzastopnih šest (6) mjeseci,
- ako bude zaposlen na drugoj izabranoj poziciji koja može utjecati na eventualni sukob interesa,
- smrću.

Prijedlog za opoziv predsjednika i člana Upravnog odbora SKB Mostar mogu podnijeti osnivači, federalni ministar zdravstva i Upravni odbor SKB Mostar.

Član 27.

Upravni odbor SKB Mostar obavlja sljedeće poslove i zadatke:

- donosi Statut SKB Mostar,
- imenuje i razrješava direktora odnosno v.d. direktora SKB Mostar,
- utvrđuje planove rada i razvoja KB Mostar
- donosi finansijski plan i usvaja godišnji obračun ,

- donosi opšte akte o unutarnjem ustrojstvu i organizaciji radnih mjesta i druge opšte akte, skladu sa zakonom ,
- donosi Poslovnik o radu Upravnog odbora SKB Mostar,
- donosi godišnji plan rada Upravnog odbora SKB Mostar i godišnji izvještaj o radu Upravnog odbora SKB Mostar,
- utvrđuje godišnji program rada SKB Mostar,
- usvaja godišnji plan nabavka SKB Mostar,
- usvaja izvještaj o planu javnih nabavka SKB Mostar,
- daje saglasnost na zaključenje ugovora o pojedinačnim javnim nabavkama u SKB Mostar čija vrijednost prelazi 50.000 KM,
- odlučuje, uz saglasnost osnivača, o promjeni naziva i sjedišta SKB Mostar,
- predlaže osnivačima promjenu i proširenje djelatnosti, te statusne promjene,
- odlučuju o raspisivanju javnog konkursa za postavljanje direktora SKB Mostar,
- imenuje i razrješava pomoćnike direktora, a na razdoblje od 4 (četiri) godine, bez ograničavanja mandata, u proceduri internog oglasa,
- odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ SKB Mostar,
- usmjerava, kontroliše i ocjenjuje rad direktora SKB Mostar, te razmatra izvještaj o radu direktora i izvještaj o radu SKB Mostar, što uključuje i finansijski izvještaj SKB Mostar,
- odlučuje o korištenju sredstava preko iznosa utvrđenog statutom SKB Mostar,
- odlučuje o imovini SKB Mostar,
- odlučuje o raspolaganju u pravnom prometu pokretnom imovinom čija vrijednost po pojedinom aktu prelazi 50.000 KM (slovima: pedeset hiljada konvertibilnih maraka),
- odlučuje o korištenju zajmova i kredita za investiciona ulaganja,
- odlučuje o uvođenju novih zdravstvenih tehnologija u djelatnost SKB Mostar,
- donosi godišnju odluku o utvrđivanju viška prostora i opreme KB Mostar za davanje u zakup, a uz prethodnu saglasnost federalnog ministra zdravstva,
- odlučuje o uslovima i načinu ulaganja sredstava fizičkih i pravnih lica iz zemlje i inostranstva u razvoj SKB Mostar,
- odlučuje o raspodjeli dobiti za obnavljanje i razvoj djelatnosti,
- odlučuje o zaključivanju ugovora sa nadležnim zavodima zdravstvenog osiguranja,
- odlučuje u drugom stepenu po prigovoru na akte kojima se odlučuje o pojedinim pravima zaposlenika iz radnog odnosa,
- podnosi osnivačima najmanje jedanput godišnje izvještaj o poslovanju sveučilišne kliničke bolnice,
- rješava sva pitanja odnosa s osnivačima,
- obavlja i druge poslove u skladu sa zakonom, Statutom Sveučilišne kliničke bolnice i Poslovnikom o radu Upravnog odbora.

Član 28.

Upravni odbor SKB Mostar radi na sjednicama.

Na sjednici se punovažno raspravlja i odlučuje ukoliko na istoj prisustvuje više od polovine od imenovanog broja članova.

Odluka je pravovaljana ukoliko za nju glasa većina od imenovanog broja članova Upravnog odbora.

Na sjednicama Upravnog odbora SKB Mostar sudjeluje direktor SKB Mostar bez prava odlučivanja.

Član 29.

Način rada Upravnog odbora SKB Mostar detaljnije se uređuje Poslovníkom o radu istog.

Poslovníkom iz stava 1. ovog člana detaljnije se uređuje organizacija i način rada, sazivanje sjednica, način rada na sjednicama, donošenje zaključaka, odluka i preporuka Upravnog odbora SKB Mostar, prava i obaveze predsjednika i članova Upravnog odbora, kao i ostalih lica koje sudjeluju ili pomažu u radu Upravnog odbora, vođenje zapisnika i druga pitanja od značaja za rad Upravnog odbora.

Član 30.

Predsjednik i članovi Upravnog odbora SKB Mostar ostvaruju pravo na mjesečnu naknadu u skladu sa članom 64. stav 11. Zakona o zdravstvenoj zaštiti.

Naknada iz stava 1. ovog člana se isplaćuje iz sredstava SKB Mostar.

Član 31.

Upravni odbor SKB Mostar za svoj rad odgovara osnivačima, Vladi Federacije BiH i Federalnom ministru zdravstva.

B. Nadzorni odbor

Član 32.

SKB Mostar ima Nadzorni odbor.

Nadzorni odbor iz stava 1. ovog člana vrši nadzor nad radom i poslovanjem SKB Mostar.

Nadzorni odbor ima tri člana, i to dva ispred osnivača (Federacija i Hercegovačko – neretvanska županija/kanton), a jednog ispred zaposlenika zdravstvene ustanove, uz zastupljenost oba spola.

Kandidati za članove u Nadzorni odbor SKB Mostar moraju ispunjavati kriterije utvrđene Zakonom i drugim propisima.

Član 33.

Predsjednika i članovi Nadzornog odbora SKB Mostar imenuje i razrješava Vlada Federacije BiH, na prijedlog federalnog ministra zdravstva u proceduri sukladno propisima o ministarskim, vladinim i drugim imenovanjima u Federaciji.

Predsjednik i članovi Nadzornog odbora SKB Mostar imenuju se na period od četiri godine, sa mogućnošću ponovnog izbora, a najviše za još jedan mandatni period.

Predsjednik i članovi Nadzornog odbora SKB Mostar dužni su potpisati izjavu o nepostojanju sukoba interesa prije preuzimanja funkcije.

Predsjedniku i članu Nadzornog odbora SKB Mostar može prestati mandat i prije isteka vremena od četiri godine u sljedećim slučajevima:

- ako se ne pridržava uputa i smjernica osnivača,
- ako učestvuje u donošenju nezakonitih akata ili odluka kojim se nanosi šteta SKB Mostar,
- ako podnese ostavku na mjesto predsjednika odnosno člana Nadzornog odbora SKB Mostar,
- ako se utvrdi da je odgovoran za neuspješan i nezakonit rad SKB Mostar,
- ako svojim radom onemogućava ili otežava rad Nadzornom odboru SKB Mostar,
- ako mu prestane radni odnos u SKB Mostar, a imenovan je za člana Nadzornog odbora ispred zaposlenika SKB Mostar,

- ako član Nadzornog odbora SKB Mostar imenovan ispred zaposlenika KB Mostar učini težu povredu radne dužnosti,
- imenovanjem za direktora SKB Mostar,
- ako bude zaposlen na drugoj izabranoj poziciji koja može utjecati na eventualni sukob interesa,
- neopravdanim izostankom sa dvije ili više sjednica uzastopno ili sa dvije ili više sjednica u toku uzastopnih šest (6) mjeseci,
- smrću.

Prijedlog za opoziv predsjednika i člana Nadzornog odbora SKB Mostar mogu podnijeti osnivači, federalni ministar zdravstva i Nadzorni odbor SKB Mostar.

Prije upućivanja rješenja o razrješenju predsjednika odnosno člana Nadzornog odbora SKB Mostar Vladi Federacije BiH, u slučajevima iz stava 5. ovog člana, Federalno ministarstvo zdravstva dužno je obavijestiti predsjednika odnosno člana Nadzornog odbora čiji se opoziv traži i dati mu mogućnost da se o njoj pismeno izjasni u roku od 30 dana od dana upućivanja zahtjeva za izjašnjenje od strane Federalnog ministarstva zdravstva.

Član 34.

Nadzorni odbor SKB Mostar obavlja poslove i zadatke u skladu sa članom 72. Zakona o zdravstvenoj zaštiti.

Član 35.

Nadzorni odbor SKB Mostar o svim pitanjima iz svoje nadležnosti odlučuje na sjednici, većinom glasova od ukupnog broja članova.

Član 36.

Način rada Nadzornog odbora SKB Mostar detaljnije se uređuje Poslovníkom o radu istog.

Poslovník iz stava 1. ovog člana detaljnije uređuje organizaciju i način rada, sazivanje sjednica, način rada na sjednicama, donošenje zaključaka, odluka i preporuka Nadzornog odbora SKB Mostar, prava i obaveze predsjednika i članova kao i drugih lica koja učestvuju ili pomažu u radu istog, vođenje zapisnika i druga pitanja od značaja za rad Nadzornog odbora.

Član 37.

Predsjednik i članovi Nadzornog odbora KB Mostar ostvaruju pravo na mjesečnu naknadu u skladu sa članom 71. stav 7, a vezano sa članom 64. stavom 11. Zakona o zdravstvenoj zaštiti.

Naknada iz stava 1. ovog člana se isplaćuje iz sredstava SKB Mostar.

Član 38.

Nadzorni odbor SKB Mostar za svoj rad je odgovoran osnivačima, Vladi Federacije BiH i federalnom ministru zdravstva.

C. Direktor

Član 39.

SKB Mostar rukovodi direktor.

Direktor je odgovoran za zakonitost rada i stručni rad SKB Mostar.

Član 40.

Direktora imenuje i razrješava Upravni odbor SKB Mostar putem javnog konkursa na period od četiri (4) godine, uz mogućnost ponovnog izbora za još jedan mandatni period u skladu sa Zakonom o zdravstvenoj zaštiti.

Odluka o imenovanju odnosno razrješenju direktora SKB Mostar iz stava 1. ovog člana podliježe obaveznoj prethodnoj saglasnosti federalnog ministra zdravstva, a u skladu sa članom 66. stav 3. Zakona o zdravstvenoj zaštiti.

Član 41.

Za direktora SKB Mostar može biti imenovano lice koje pored opštih uslova predviđenih Zakonom ispunjava i sljedeće uslove:

- završen medicinski fakultet
- završena specijalizacija iz djelatnosti SKB Mostar
- radno iskustvo od najmanje pet (5) godina u struci
- nastavnik medicinskog fakulteta najmanje u rangu docenta
- da posjeduje znanje iz zdravstvenog menadžmenta
- da nije krivično kažnjavao,
- da nije angažovan na drugoj poziciji koja može uticati na eventualni sukob interesa,
- da ne postoji koja druga zakonska zabrana za imenovanje na funkciju direktora.

Uslov iz stava 1. alineja pet ovog člana biti će tražen u konkursnom postupku tek kada otpočne edukacija iz zdravstvenog menadžmenta od strane Federalnog ministarstva zdravstva, a u skladu sa članom 66. stav 8., a u vezi sa članom 243. Zakona o zdravstvenoj zaštiti.

Član 42.

Konkurs za imenovanje direktora raspisuje se najkasnije tri (3) mjeseca prije isteka tekućeg mandata direktora i bit će otvoren najmanje petnaest (15) dana od dana objavljivanja u sredstvima javnog informisanja.

Odluku o raspisivanju konkursa donosi Upravni odbor SKB Mostar.

Konkurs sadrži:

- naziv i sjedište SKB Mostar,
- uslove za imenovanje direktora,
- rok za podnošenje prijave kandidata,
- vrijeme na koje se obavlja imenovanje,
- dokumentaciju koju su kandidati dužni priložiti uz prijavu,
- način i rok obavijesti kandidata o rezultatima konkursa,
- naznaku da se nepotpune i neblagovremene prijave neće uzimati u razmatranje.

Pored dokaza o ispunjavanju uslova konkursa kandidati moraju priložiti i program rada i razvoja SKB Mostar za naredni četverogodišnji period.

Član 43.

Za provedbu konkursa Upravni odbor formira Konkursnu komisijau

Komisija iz stava 1. ovog člana utvrđuje blagovremenost i potpunost prijava kao i ispunjenost uslova konkursa.

Listu kandidata za direktora koji u potpunosti ispunjavaju uslove konkursa komisija iz stava 1. dostavlja Upravnom odboru SKB Mostar.

O svom radu komisija vodi zapisnik.

Član 44.

Odluka o imenovanju kandidata za direktora donosi se većinom glasova od ukupnog broja članova Upravnog odbora SKB Mostar.

Odluka iz stava 1. ovog člana podliježe prethodnoj saglasnosti federalnog ministra zdravstva.

Član 45.

Direktor obavlja i sljedeće poslove i zadatke:

- organizuje i rukovodi radom SKB Mostar,
- organizuje i vodi stručni rad SKB Mostar u saradnji sa Stručnim odborom,
- predstavlja i zastupa SKB Mostar u skladu sa ovlaštenjima iz ovoga Statuta,
- predlaže unutrašnju organizaciju i sistematizaciju SKB Mostar u saradnji sa Stručnim odborom i uz učešće Upravnog odbora SKB Mostar,
- izvršava odluke Upravnog odbora SKB Mostar,
- obustavlja od izvršenja odluke stručnih organa ukoliko ocijeni da su neusaglašene sa Ustavom ili u suprotnosti sa Zakonom i drugim propisom ili bi izvršenje tih odluka moglo izazvati štetne posljedice za SKB Mostar, o čemu je dužan/na izvijestiti Upravni odbor i Nadzorni odbor SKB Mostar, kao i donositelja akta, te Federalno ministarstvo zdravstva,
- predlaže osnove plana rada i razvoja,
- brine o primjeni finansijskih propisa u poslovanju SKB Mostar i naredbodavac je za izvršenje finansijskog plana,
- odgovara Upravnom odboru SKB Mostar za rezultate rada i finansijsko poslovanje SKB Mostar,
- podnosi Upravnom odboru SKB Mostar izvještaj o rezultatima rada i finansijskog poslovanja, te poduzima mjere za uspješno poslovanje, unapređenje organizacije i procesa rada,
- sudjeluje po potrebi na sjednicama Upravnog i nadzornog odbora SKB Mostar, bez prava odlučivanja,
- pokreće postupak donošenja i usaglašavanja opštih akata SKB Mostar, te daje prijedloge istih prema Upravnom odboru SKB Mostar,
- odlučuje o potrebi prijema radnika, sukladno finansijskim mogućnostima SKB Mostar, zaključuje ugovore o radu, vrši raspoređivanje radnika na radna mjesta u skladu sa Pravilnikom o unutarnjem ustrojstvu i organizaciji radnih mjesta SKB Mostar, odlučuje o prestanku i otkazu ugovora o radu,
- odlučuje u prvom stepenu o pravima i obavezama radnika iz rada i u vezi sa radom, a sukladno Zakonu o radu, kolektivnom ugovoru, Statutu i drugim opštim aktima SKB Mostar,
- određuje opomene pred otkaz i otkaz u prvom stepenu protiv zaposlenika SKB Mostar, a nakon provedenog postupka sukladno Zakonu o radu,
- izdaje naloge i upute za rad pojedinih organizacionih jedinica, radnika ili grupe radnika, a radi izvršenja određenih poslova,

- po potrebi imenuje komisije, radne i stručne grupe i druga radna i savjetodavna tijela radi razrade određenih pitanja, izrade studija, analiza, prijedloga, stručnih mišljenja i sl.,
- odgovoran je za ostvarivanje prava i obaveza pacijenata u SKB Mostar sukladno Zakonu o pravima, obavezama i odgovornostima pacijenta,
- donosi odluku po prigovoru pacijenta koji smatra da su mu povrijeđena prava vezana za ostvarivanje zdravstvene zaštite, odnosno kada pacijent nije zadovoljan pruženom zdravstvenom uslugom, odnosno postupkom zdravstvenog ili drugog radnika zdravstvene ustanove,
- donosi i sprovodi opšte akte koji po svom sadržaju spadaju u nadležnost direktora SKB Mostar,
- obavlja i ostale poslove utvrđene Zakonom, ovim Statutom i drugim propisima.

Član 46.

U izvršavanju poslova iz svoje nadležnosti direktor donosi odluke, naloge, rješenja, upute, preporuke i dr.

Za pitanja koja se tiču pojedinih disciplina ili organizacionog dijela SKB Mostar prije odlučivanja direktor može zatražiti prijedlog, odnosno mišljenje Stručnog odbora SKB Mostar, pomoćnika direktora, šefa organizacione jedinice ili stručnog kolegija organizacione jedinice.

Član 47.

U slučaju odsustva direktora zamjenjuje ga jedan od članova ureda direktora SKB Mostar kojeg on odredi.

Član 48.

Direktor može biti razriješen i prije isteka mandata na koji je imenovan.

Upravni odbor SKB Mostar je dužno razriješiti direktora i prije isteka mandata za koji je izabran ako:

- direktor to lično zahtijeva,
- nastane neki od razloga koji po posebnim propisima ili propisima kojima se uređuju radni odnosi dovode do prestanka ugovora o radu,
- ne izvršava ugovorne obaveze prema zavodu zdravstvenog osiguranja Federacije odnosno županije/kantona,
- ne provodi program rada i razvoja SKB Mostar koji je donio Upravni odbor SKB Mostar,
- ako u obavljanju djelatnosti SKB Mostar nastane neopravdani gubitak,
- u svojem radu krši propise i opšte akte SKB Mostar ili neopravdano ne izvršava odluke upravnog odbora ili postupka u suprotnosti s njima,
- svojim nesavjesnim ili nepravilnim radom prouzrokuje SKB Mostar veću štetu, zanemaruje ili nemarno obavlja svoju dužnost tako da su nastale ili mogu nastati veće smetnje u obavljanju djelatnosti SKB Mostar,

Ako Upravni odbor SKB Mostar ne razriješi direktora iz razloga propisanih u stavu 2. ovoga člana u roku od 30 dana od dana saznanja za neki od razloga, rješenje o razrješenju direktora donosi federalni ministar zdravstva.

Protiv rješenja iz stava 3. ovoga člana nije dopuštena žalba, ali se može pokrenuti upravni spor.

Upravni odbor SKB Mostar mora, prije donošenja odluke o razrješenju, obavijestiti direktora o razlozima za razrješenje i dati mu mogućnost da se o njoj pismeno izjasni.

Član 49.

Ako direktor nije imenovan u skladu sa zakonom, u roku od 60 dana od dana isteka konkursnog roka, odluku o postavljanju vršitelja dužnosti direktora donosi Upravni odbor SKB Mostar.

Vršitelj dužnosti direktora postavlja se najduže na period do šest mjeseci.

Vršitelj dužnosti direktora mora ispunjavati pored opštih uslova propisanih Zakonom i posebne uslove iz člana 41. Statuta.

Vršitelj dužnosti direktora ima sva prava i dužnosti direktora.

VIII- DJELATNICI S POSEBNIM OVLAŠTENJIMA I ODGOVORNOSTIMA

Član 50.

Djelatnici sa posebnim ovlaštenjima i odgovornostima su:

- pomoćnici direktora,
- predstojnici klinika,
- zamjenici predstojnika klinika,
- pročelnici odjela/zavoda
- voditelji službi/centara /ureda/odsjeka
- glavna medicinska sestra – tehničar SKB Mostar.

Član 51.

Direktor mora imati pomoćnika u oblasti:

- nastave i naučnoistraživačkog rada u skladu sa Zakonom o zdravstvenoj zaštiti.

Član 52.

Direktor, pomoćnici direktora i glavna medicinska sestra/tehničar čine Ured direktora.

Član 53.

Pomoćnike direktora i glavnu sestru/ tehničara imenuje i razrješava Upravni odbor SKB Mostar na prijedlog direktora na period od 4 (četiri) godine, bez ograničavanja mandata, u postupku internog oglasa.

Izuzetno od stava 1. ovog člana, a s ciljem racionalnosti rukovodnog kadra, Upravni odbor SKB Mostar može imenovati jedno lice i za pomoćnika direktora i predstojnika klinike na period od 4 (četiri) godine, bez ograničavanja mandata, u postupku internog oglasa.

Imenovano lice iz stava 2. ovog člana obavlja dodijeljene poslove i zadatke na osnovu jednog ugovora o radu u kojem se sublimiraju poslovi i zadaci i pomoćnika direktora i predstojnika klinike i za isti ostvaruje plaće i nadoknade kao član ureda direktora SKB Mostar.

Član 54.

Bliže odredbe o posebnim uslovima za radna mjesta radnika sa posebnim ovlaštenjima i odgovornostima, njihova ovlaštenja, obaveze i odgovornosti, postupak i način izbora i imenovanja utvrđuju se Pravilnikom o unutarnjem ustrojstvu i organizaciji rada SKB Mostar.

IX- STRUČNI ORGANI SKB MOSTAR

A. Stručni odbor SKB Mostar

Član 55.

Stručni odbor je savjetodavni organ direktora.

Članove stručnog odbora, na prijedlog šefova organizacionih jedinica zdravstvene ustanove, uz ravnopravnu zastupljenost oba spola, imenuje direktor.

Mandat članova Stručnog odbora traje 4 (četiri) godine, uz mogućnost reizbora bez ograničenja mandata.

U radu stručnog odbora mogu sudjelovati i zdravstveni saradnici.

U stručni odbor iz stava 1. ovog člana može se imenovati zdravstveni radnik – zakupac jedinica zakupa zdravstvene ustanove.

Bliže odredbe o načinu rada i odlučivanja stručnog odbora uređuju se poslovníkom o radu stručnog odbora, na koji saglasnost daje direktor SKB Mostar.

Član 56.

Stručni odbor obavlja slijedeće poslove i zadatke:

- raspravlja i odlučuje o pitanjima iz oblasti stručnog rada SKB Mostar,
- predlaže stručna rješenja u sklopu djelatnosti SKB Mostar,
- predlaže stručne osnove za program rada i razvoja SKB Mostar,
- predlaže mjere za unapređenje kvalitete i sigurnosti rada u SKB Mostar,
- daje Upravnom odboru i direktoru mišljenja i prijedloge u pogledu organizacije rada i uslova za razvoj zdravstvene djelatnosti u skladu sa finansijskim mogućnostima,
- predlaže specijalističko usavršavanje zdravstvenih radnika i zdravstvenih saradnika, te stručno usavršavanje iz oblasti subspecijalnosti zdravstvenih radnika i zdravstvenih saradnika za potrebe zdravstvene ustanove,
- predlaže Upravnom odboru obavljanje dopunskog rada zdravstvenih radnika u slučajevima od posebnog interesa za građane i rad zdravstvene ustanove,
- brine se o provedbi unutrašnjeg nadzora nad stručnim radom zdravstvenih radnika i zdravstvenih saradnika ustanove.

B. Etički komitet SKB Mostar

Član 57.

Etički komitet SKB Mostar je organ koji osigurava obavljanje djelatnosti SKB Mostar na načelima etike i medicinske deontologije.

Etički komitet imenuje Upravni odbor SKB Mostar na prijedlog direktora i čine ga najmanje devet članova, uz ravnopravnu zastupljenost oba spola, s tim da najmanje jedan član istog treba biti predstavnik nemedicinskih struka i najmanje dva člana koji nisu radnici zdravstvene ustanove.

Upravni odbor SKB Mostar imenuje i zamjenike članova Etičkog komiteta SKB Mostar.

Mandat traje 4 (četiri) godine, sa mogućnošću reizbora.

Etički komitet SKB Mostar donosi poslovník o svome radu.

Etički komitet SKB Mostar ostvaruje pravo na mjesečnu nadoknadu čija se visina određuje odlukom Upravnog odbora SKB Mostar na prijedlog direktora i isplaćuje iz sredstava SKB Mostar.

Član 58.

Etički komitet SKB Mostar obavlja sljedeće poslove i zadatke:

- prati primjenu etike i medicinske deontologije u obavljanju djelatnosti SKB Mostar,
- daje saglasnost za provođenje medicinskih i naučnih ispitivanja, kao i kliničkih ispitivanja lijekova i medicinskih sredstava u SKB Mostar, koja se smatra prethodnim postupkom u okviru odobravanja tih ispitivanja od strane nadležnog organa,
- bavi se analizom i prijedlozima propisa iz oblasti zdravstva sa aspekta etike i medicinske deontologije,
- prati povrede prava pacijenata i sistemski radi na unapređenju stanja u ovoj oblasti u skladu sa propisima o pravima, obavezama i odgovornostima pacijenata,
- saraduje sa nadležnim komorama iz oblasti zdravstva,
- rješava i druga etička pitanja u obavljanju djelatnosti SKB Mostar
- o svom radu izvješćuje u pravilu jednom godišnje direktora i Upravni odbor SKB Mostar, a na zahtjev Upravnog odbora i direktora i češće.

C. Komisija za lijekove SKB Mostar

Član 59.

Komisija za lijekove SKB Mostar je organ koji osigurava provođenje:

- svih aktivnosti vezanih za primjenu lijekova i medicinskih sredstava u SKB Mostar,
- kliničkih ispitivanja lijekova i medicinskih sredstava u SKB Mostar,
- šestomjesečnog finansijskog izvještaja o kliničkim ispitivanjima lijekova i medicinskih sredstava u SKB Mostar, za potrebe direktora i Upravnog odbora SKB Mostar,
- praćenje, poduzimanje mjera za izbjegavanje i smanjivanje nuspojava lijekova i medicinskih sredstava, kao i koordiniranja aktivnosti u vezi prijava nuspojava lijekova i medicinskih sredstava nadležnom državnom organu u skladu sa propisom o lijekovima i medicinskim sredstvima,
- predlaganja liste lijekova i medicinskih sredstava koji se primjenjuju u SKB Mostar, u skladu sa zakonom,
- praćenja potrošnje lijekova i medicinskih proizvoda, te predlaganja mjera za racionalnu upotrebu lijekova i medicinskih sredstava u SKB Mostar,
- poduzimanje mjera sa ciljem izbjegavanja interakcija, terapijskog dupliciranja ili pojave alergije kod upotrebe lijekova u SKB Mostar,
- pripremanja tenderske dokumentacije u postupcima javnih nabavka lijekova i medicinskih sredstava,
- i drugih poslova u skladu sa ovim zakonom, kao i propisom o lijekovima i medicinskim sredstvima.

Članak 60.

Komisiju za lijekove imenuje Upravni odbor SKB Mostar svojom Odlukom u kojoj se određuje mandat, trajanje mandata i eventualno pravo na naknadu te visina iste i čini ga najmanje pet članova koji se imenuju iz redova specijalista medicine, farmacije i stomatologije, uz ravnopravnu zastupljenost oba spola u proceduri internog oglasa.

Bliže odredbe o načinu rada i odlučivanja komisije za lijekove uređuju se poslovnikom o radu Komisije za lijekove zdravstvene ustanove.

D. Komisija za poboljšanje kvalitete i sigurnosti zdravstvenih usluga

Član 61.

Komisija za poboljšanje kvalitete i sigurnosti zdravstvenih usluga je stručni organ zdravstvene ustanove koje obavlja poslove i zadatke u pogledu uspostave sistema poboljšanja kvaliteta i sigurnosti zdravstvenih usluga u SKB Mostar, kao i druge poslove utvrđene Zakonom i drugim propisima o sistemu poboljšanja kvaliteta, sigurnosti i akreditaciji u zdravstvu te Zakonom o pravima, obavezama i odgovornostima pacijenata.

Komisija iz stava 1. ovog člana odražavat će ravnopravnu zastupljenost oba spola.

Bliže odredbe o načinu rada i odlučivanja Komisija za poboljšanje kvalitete i sigurnosti zdravstvenih usluga uređuju se poslovníkom o radu ove Komisije.

E. Kolegij medicinskih sestara-tehničara

Član 62.

Kolegij medicinskih sestara-tehničara osniva se u SKB Mostar s ciljem koordiniranja djelatnosti glavnih medicinskih sestara-tehničara klinika, centara i odjela.

Kolegij medicinskih sestara-tehničara čine:

- glavna medicinska sestra-tehničar SKB Mostar,
- glavne medicinske sestre-tehničari klinika, centara i odjela.

Način rada kolegija medicinskih sestara-tehničara detaljnije se uređuje Poslovníkom o radu Kolegija medicinskih sestara-tehničara

Kolegij medicinskih sestara-tehničara saziva i vodi glavna medicinska sestra-tehničar SKB Mostar.

Član 63.

Na sazivu Kolegija medicinskih sestara-tehničara razmatraju se tekuća pitanja značajna za organizaciju rada i poslova medicinskih sestara-tehničara i pomoćnog osoblja na klinikama, centrima, zavodima i odjelima.

F. Komisija za prigovore pacijenata

Član 64.

Komisija za prigovore pacijenata formira se radi osiguranja primjene i praćenja poštivanja prava pacijenata (u daljem tekstu : Komisija) .

Komisiju imenuje direktor SKB Mostar.

Mandat članovima Komisije traje dvije godine uz mogućnost ponovnog imenovanja.

Komisija SKB Mostar ostvaruje pravo na mjesečnu nadoknadu čija se visina određuje odlukom Upravnog odbora SKB Mostar na prijedlog direktora i isplaćuje iz sredstava SKB Mostar.

Član 65.

Djelokrug rada Komisije je:

- blagovremeno razmatranje pritužbi pacijenata i sačinjavanje izvještaja na izjavljene prigovore za direktora SKB Mostar
- vođenje evidencije o vrstama i učestalosti prigovora po organizacionim jedinicama i

na nivou cijele bolnice

- analiziranje statistike i izvlačenje pouke za praksu
- praćenje aktivnosti na unapređenju zaštite i poštivanja prava pacijenata na nivou bolnice kao rezultat prigovora
- analizira pohvale i sugestije pacijenata, s ciljem da se postojeća dobra praksa još više afirmiše i razmjenjuje između organizacionih jedinica zdravstvene ustanove;
- obavlja i druge poslove saglasno opštem aktu zdravstvene ustanove i zakonu.

Član 66.

SKB Mostar može formirati i druge stručne organe u skladu sa zakonom, ovim Statutom i drugim opštim aktima SKB Mostar, a njihov sastav, djelokrug i način rada regulirat će se posebnim opštim aktima.

X- OBAVEZE I PRAVA SKB MOSTAR PREMA OSNIVAČIMA

Član 67.

Obaveze SKB Mostar prema osnivačima u skladu sa Zakonom i ovim Statutom su:

- obavljanje registrovane djelatnosti na osnovu medicinske nauke i medicine zasnovane na dokazima, u skladu sa zakonima i drugim propisima, te praćenje naučnih i stručnih dostignuća iz odgovarajućih oblasti medicine,
- kvaliteta i sigurnost zdravstvene zaštite osiguranjem kadrovskih i drugih pretpostavki potrebnih za kvalitetno izvršavanje poslova iz svoje nadležnosti,
- obavljanje naučnoistraživačkog rada u oblasti medicinskih nauka, kao i organizovanje nastavnog rada za studente višeg i visokog obrazovanja, dodiplomske i postdiplomske nastave, kao i organizovanje i provođenje specijalističkog, te subspecijalističkog usavršavanja iz oblasti specijalnosti zdravstvenih radnika i zdravstvenih saradnika, stručna saradnja sa drugim zdravstvenim i naučnoistraživačkim ustanovama,
- predlaganje mjera za strateško planiranje SKB Mostar,
- korištenje i upotrebu sredstava sa pažnjom dobrog privrednika,
- odgovornost i transparentnost poslovanja,
- podnošenje izvještaja osnivačima o svom radu najmanje jedanput godišnje,
- traženje saglasnosti u slučajevima kada je to predviđeno zakonima i ovim Statutom ,
- davanje prijedloga za proširenje i promjenu djelatnosti, te statusne promjene SKB Mostar,
- davanje prijedloga za investiciona ulaganja i izgradnju i adaptaciju građevinskih objekata, opreme i sl.

XI- ODNOS SKB MOSTAR PREMA KORISNICIMA ZDRAVSTVENIH USLUGA

Član 68.

U okviru pružanja zdravstvene zaštite SKB Mostar je dužna osigurati osiguranicima odnosno ostalim korisnicima:

- praćenje zdravstvenog stanja,
- otkrivanje i otklanjanje uzroka bolesti odnosno sprječavanje i suzbijanje bolesti i povreda te njihovih posljedica,
- liječenje i rehabilitaciju oboljelih i povrijeđenih osoba,

- opskrba ležećih pacijenata lijekovima i drugim sredstvima za otkrivanje, sprječavanje i liječenje bolesti,
- neprekidan rad svih organizacionih jedinica SKB Mostar,
- ostvarivanje prava pacijenata putem kvalitetne medicinske zaštite,
- osiguranje ambijenta za poštovanje prava pacijenta.

Član 69.

Zdravstvenu zaštitu SKB Mostar je dužna pružiti poštujući načela pristupačnosti zdravstvene zaštite, pravičnosti zdravstvene zaštite, solidarnosti u zdravstvenoj zaštiti, sveobuhvatnosti zdravstvene zaštite, kontinuiteta zdravstvene zaštite, specijalizovanog pristupa, stalnog unaprjeđenja kvaliteta zdravstvene zaštite i efikasnosti zdravstvene zaštite.

Član 70.

SKB Mostar je dužan svakom pacijentu omogućiti ostvarivanje sljedećih prava:

- na dostupnost zdravstvene zaštite, uključujući i pravo na hitnu medicinsku pomoć,
- na informacije,
- na obaviještenost i učestvovanje u postupku liječenja,
- na slobodan izbor,
- na samoodlučivanje i pristanak, uključujući i zaštitu prava pacijenta koji nije sposoban dati pristanak,
- na povjerljivost informacija i privatnost,
- na tajnost podataka,
- na vlastito dostojanstvo,
- na sprječavanja i olakšavanje patnji i bola,
- na poštovanje pacijentovog vremena,
- na uvid u medicinsku dokumentaciju,
- na samovoljno napuštanje zdravstvene ustanove,
- pacijenta nad kojim se vrši medicinsko istraživanje
- na preventivne mjere i informisanje o očuvanju zdravlja,
- na prigovor,
- na naknadu štete,
- na prehranu u skladu sa svjetonazorom,
- na održavanje ličnih kontakata,
- na obavljanje vjerskih obreda, ako za to posjeduje prostorne kapacitet

Prava iz stava 1. ovog člana pacijent ostvaruje na osnovu savremene medicinske doktrine, stručnih standarda i normi, te u skladu sa mogućnostima zdravstvenog sistema u Federaciji i uz uvjet da prethodno ispunjava svoje obaveze i odgovornosti utvrđene zakonom o pravima, obavezama i odgovornostima pacijenta (Službene novine Federacije BiH 40/10).

XII- NADZOR NAD RADOM SKB MOSTAR

Član 71.

Osim nadzora predviđenog Zakonom u SKB Mostar se provodi unutrašnji nadzor.

Član 72.

Unutrašnji nadzor se obavezno provodi:

- nad radom organizacionih jedinica SKB Mostar i
- nad stručnim radom zdravstvenih radnika u organizacionim jedinicama SKB Mostar.

Član 73.

Za stručni rad zdravstvenih radnika SKB Mostar odgovorni su rukovodioci organizacionih jedinica.

Za stručni rad SKB Mostar odgovoran je direktor.

Član 74.

Unutrašnji nadzor se provodi kroz sljedeće oblike:

- kontinuirani stručni nadzor,
- periodični stručni nadzor i
- vanredni stručni nadzor.

Član 75.

Unutrašnji nadzor provodi:

- Stručni odbor,
- Ured za kontrolu kvalitete i akreditaciju
- Komisija za provedbu unutrašnjeg stručnog nadzora
- Direktor SKB Mostar
- Stručnjak pojedinac.

Član 76.

Kontinuirani stručni nadzor provodi se jednom sedmično.

Periodični stručni nadzor obavlja se jednom u šest (6) mjeseci.

Vanredni stručni nadzor provodi se na osnovu vanredne potrebe, a po procjeni direktora ili Stručnog odbora, voditelja organizacione jedinice ili nadležne institucije.

Član 77.

Periodični stručni nadzor provodi se prema Programu unutrašnjeg stručnog nadzora (u daljnjem tekstu: Program).

Program donosi direktor SKB Mostar za svaku kalendarsku godinu, najkasnije do kraja decembra prethodne godine.

Član 78.

Pitanja iz unutarnjeg nadzora nad radom organizacionih jedinica i zdravstvenih radnika SKB Mostar uredit će se posebnim pravilnikom.

XIII- OPŠTI AKTI

Član 79.

Statut je osnovni opšti akt SKB Mostar.

Statut SKB Mostar donosi Upravni odbor SKB Mostar.

Statut SKB Mostar podliježe obaveznoj saglasnosti osnivača.

Član 80.

Osim Statuta SKB Mostar ima i druge opšte akte, kojima se uređuju unutrašnji odnosi, organizacija rada i poslovanja, te ostala pitanja značajna za obavljanje djelatnosti, a to su:

- Pravilnik o radu,
- Pravilnik o unutarnjem ustrojstvu i organizaciji rada,

- Pravilnik o plati, naknadama na plate i drugim materijalnim pravima uposlenika SKB Mostar koja nemaju karakter plate
- Pravilnik o računovodstvu
- Pravilnik o internoj reviziji
- Pravilnik o finansijskom poslovanju,
- Pravilnik za prevenciju i borbu protiv korupcije
- Pravilnik o unutrašnjem stručnom nadzoru nad radom organizacionih jedinica i zdravstvenih djelatnika SKB Mostar,
- Pravilnik o načinu čuvanja poslovne i profesionalne tajne,
- Pravilnik o zaštiti na radu,
- Pravilnik o zaštiti od požara,
- Pravilnik o kućnom redu,
- Pravilnik o nabavi roba, vršenju usluga i ustupanju radova,
- Pravilnik o postupku direktnog sporazuma,
- Pravilnik o popisu imovine, potraživanja zaliha i obaveza u SKB Mostar,
- Pravilnik o uslovima i načinu korištenja službenih automobila SKB Mostar,
- Pravilnik o poklonima i reprezentaciji,
- Pravilnik o naknadama za putne troškove uposlenika SKB Mostar,
- Pravilnik o upravljanju lijekovima u SKB Mostar,
- Pravilnik o sprečavanju i suzbijanju bolničkih infekcija u SKB Mostar,
- Poslovnici o radu nadzornog i upravnog odbora, te stručnih organa SKB Mostar.

SKB Mostar može imati i druge opšte akte, u skladu sa zakonom, kolektivnim ugovorom i Statutom.

Član 81.

Upravni odbor donosi slijedeće opšte akte:

- Statut,
- Pravilnik o plati, naknadama na plate i drugim materijalnim pravima uposlenika SKB Mostar koja nemaju karakter plate
- Pravilnik o unutrašnjem ustrojstvu i organizaciji rada SKB Mostar,
- Pravilnik o finansijskom poslovanju,
- Pravilnik za prevenciju i borbu protiv korupcije
- Pravilnik o radu,
- Pravilnik o unutrašnjem nadzoru nad stručnim radom,
- Pravilnik o zaštiti na radu,
- Pravilnik o zaštiti od požara,
- Pravilnik o nabavi roba, vršenju usluga i ustupanju radova,
- Pravilnik o postupku direktnog sporazuma.
- Poslovnik o radu Upravnog odbora.

Član 82.

Direktor SKB Mostar donosi slijedeće opšte akte:

- Pravilnik o popisu imovine, potraživanju zaliha i obaveza u SKB Mostar,
- Pravilnik o uslovima i načinu korištenja službenih automobila SKB Mostar,
- Pravilnik o poklonima i reprezentaciji
- Pravilnik o naknadama za putne troškove uposlenika u SKB Mostar,
- Pravilnik o upravljanju lijekovima u SKB Mostar,
- Pravilnik o radu Ureda za kvalitetu i akreditaciju
- Pravilnik o kućnom redu
- Pravilnik o sprečavanju i suzbijanju bolničkih infekcija u SKB Mostar,

- Upute o načinu organizovanja poslova i poslovnih procesa u djelatnosti SKB Mostar, kao i u prometu lijekovima u SKB Mostar.

Član 83.

Inicijativu, odnosno prijedlog za donošenje, izmjene i dopune opštih akata SKB Mostar može dati Upravni odbor SKB Mostar, direktor, te sindikat za akte u čijem zaključivanju učestvuje.

Učešće sindikata u donošenju opštih akata osigurava se ako je to predviđeno posebnim propisima.

Inicijativa, odnosno prijedlog upućen od strane direktora, odnosno sindikata se podnosi Upravnom odboru SKB Mostar.

Član 84.

Ako Upravni odbor SKB Mostar prihvati inicijativu, odnosno prijedlog, na istoj sjednici donosi se zaključak da nadležni predlagač osigura izradu opšteg akta, odnosno njegovih izmjena i dopuna u roku određenom u zaključku za prihvaćanje inicijative odnosno prijedloga.

Prijedlog opštih akata, odnosno njihovih izmjena i dopuna predlagač dostavlja Upravnom odboru SKB Mostar na razmatranje i usvajanje.

Član 85.

Opšti akti stupaju na snagu osmog (8) dana od dana objave na oglasnoj tabli.

Izuzetno, opšti akti mogu stupiti na snagu i danom objave na oglasnoj tabli, ako tako odluči donositelj.

Opšti akti ne mogu imati povratno djelovanje.

Član 86.

Tumačenje pojedinih odredbi Statuta i drugih opštih akata daje donositelj.

XIV JAVNOST RADA I PRISTUP INFORMACIJAMA U POSJEDU SKB MOSTAR

Član 87.

Rad SKB Mostar je javan.

Javnost rada SKB Mostar se osigurava:

- objavljivanjem akata na oglasnoj tabli SKB Mostar,
- izvještajima o radu,
- putem Ureda za odnose s javnošću,
- obavještavanjem javnosti o radu SKB Mostar,
- drugim načinima koji čine rad SKB Mostar dostupnim javnosti, u skladu sa Zakonom o slobodi pristupa informacijama u Federaciji BiH.

Član 88.

Opšti akti SKB Mostar, odluke i zaključci Upravnog vijeća SKB Mostar i drugih organa SKB Mostar objavljuju se na oglasnoj tabli SKB Mostar ili na drugi pogodan način.

Član 89.

Izveštaji o radu SKB Mostar redovno se dostavljaju osnivačima, Federalnom ministarstvu zdravstva, po potrebi drugim resornim ministarstvima i drugim organima i institucijama kad je to predviđeno propisima i kada na posredan ili neposredan način imaju interesa za djelatnost SKB Mostar.

Član 90.

Javnost rada SKB Mostar ostvaruje se obavještavanjem javnosti o radu KB Mostar, odnosno o planu, programu i rezultatima rada KB Mostar.

Obavještavanje javnosti vrši se putem Ureda za odnose s javnošću, izvještajima, posebnim publikacijama ili putem sredstava javnog obavještavanja i WEB stranice SKB Mostar.

Član 91.

Izveštaji i saopštenja za javnost može dati Upravni odbor SKB Mostar, direktor, Ured za odnose s javnošću ili lica koje ovlasti direktor.

Član 92.

Informacije u posjedu KB Mostar mogu se saopštavati fizičkim i pravnim licima u postupku i na način propisan Zakonom o slobodi pristupa informacijama u F BiH (Službene novine F BiH 32/01) .

Informacije u posjedu KB Mostar saopštava direktor, Ured za odnose s javnošću ili lica koje direktor odredi.

Član 93.

Neovlašteno odavanje informacija u posjedu SKB Mostar predstavlja težu povredu radne obaveze.

XV. POSLOVNA I PROFESIONALNA TAJNA

Član 94.

Poslovnom tajnom smatraju se isprave i podaci čije bi saopštavanje ili davanje na uvid neovlaštenom licu bilo protivno poslovanju SKB Mostar ili štetilo njezinom ugledu, odnosno interesu ili ugledu zaposlenih, te iznošenje i prepričavanje odluka i poslovnih poteza.

Član 95.

Poslovnju tajnu dužni su čuvati svi djelatnici SKB Mostar koji na bilo koji način saznaju za ispravu ili podatak koji se smatra poslovnom tajnom i to i po prestanku rada u SKB Mostar, a najmanje pet godina računajući od dana prestanka radnog odnosa u SKB Mostar.

Član 96.

Poslovnom tajnom posebno se smatraju:

- dokumenti koje direktor SKB Mostar proglasi poslovnom tajnom,
- podaci koje nadležni organi kao povjerljive saopšte SKB Mostar,
- mjere i način postupanja u slučaju nastanka vanrednih okolnosti.

Član 97.

O čuvanju poslovne tajne neposredno brine direktor.

Isprave i podaci koji se smatraju poslovnom tajnom ne mogu se neovlašteno saopštavati niti činiti dostupnim neovlaštenim licima.

Povreda dužnosti čuvanja poslovne tajne predstavlja težu povredu radne obaveze.

Član 98.

Profesionalnom tajnom smatra se sve ono što zdravstveni i ostali radnici saznaju o zdravstvenom stanju pacijenta, odnosno korisnika usluga, a čije bi odavanje neovlaštenom licu moglo nanijeti štetu korisniku usluge ili trećem licu.

Svi radnici zaposleni u SKB Mostar, kao i studenti i učenici srednjih zdravstvenih škola dužni su čuvati profesionalnu tajnu.

Povreda dužnosti čuvanja profesionalne tajne predstavlja težu povredu radne obaveze i pravila kodeksa medicinske etike.

XVI. PRIJELAZNE I ZAVRŠNE ODREDBE

Član 99.

Izmjene i dopune ovoga Statuta vrše se na način i u postupku predviđenom za njegovo donošenje.

Član 100.

Postojeći opšti akti SKB Mostar uskladit će se sa odredbama ovog Statuta u roku 6 mjeseci od dana stupanja na snagu ovog Statuta.

Član 101.

Danom stupanja na snagu ovoga Statuta prestaje važiti Statut KB Mostar broj:1164/95 od 27.09.1995.godine.

Član 102.

Statut stupa na snagu nakon pribavljene saglasnosti suosnivača, osmog dana od dana objavljivanja na oglasnoj tabli.

PREDSJEDNIK UPRAVNOG ODBORA

**Broj:
Mostar,**

dr. Branka Galić